

ane schadin sy, vnde is darmete halde noch rate vnde erkenntnisse der rete. Ouch zo sullen noch enwollen wir ichemerlei gut, das der Stad schosbar ist, kouffe noch zcu vns brenge, welchirlei daz were, artackir, winwachs, wesewachs, wydewachs, holezwachs, hü- sere, garten, zcinse, welchirley die weren adir name gehabe moch- ten, sundern was vns des von ymande vmb gotswillen gegeben ader zcu selgerete bescheiden wurde mit vorfulgunge der nesten erbne- mer, daz sullen vnde wullen wir bynnen jare vnde tage vnuorzog- lich schosbaren luten, burgern, burgerin adir metewonern vor- kouffe. Tetin wir des nicht, so sullen vnde mogen sich die ratis- meistere vnde rete des gutes vnderwinde vnde schosbaren luten vorkouffe, daran sullen wir sie nicht hindere noch mycheyne wiess darin spreche. Was vns ouch zcu selgerete gegeben adir beschei- den wirdet von burgern, burgerin adir metewonern, damete sullen wirs halde nach der Stad recht vnde gewanheit, daz ist, daz keyn burger, burgerin adir metewoner an süchbette ane erbingelob ubir funff schillinge pfennige bescheide mag, was vns darubir von ymande bescheyden wurde, darvmb sullen wir keine vorderunge habe. Ge- sche is ouch, daz wir adir ymand vnser brudere des genanten clo- stirs zeuspruche adir sache hetten wedir icheinen burger, burgerin adir metewoner, die sollen wir vnde vnse brudere nergen andirs vorderen, denne vor dem rate vnde da noch irre stad glich vnde recht neme. Daz alle puncta vnd artickele disses briffes von vns vnde vnser nakomelingen stete vnde vnuorwandelt gehaldin werden, des habin wir zcu sicherheyt vnde zcu eynem ewigen geczugnisse vnser provincien ampts Sigil mitsampt des prioris vnde conuentus ingesigel an dessen briff lassen hengen. Noch Christi geburd vir- ezenhundirt jar darnoch in deme achzending jare am sunabinde noch Katherine virginis.

Auffschrift:

Daz closter der Carmeliten zcum heiligen cruceze vmb die schosbaren gütere.

M. L. J. Michelsen.